



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philippi Servii Amicus Fidelis Usque Ad Mortem

Bouchy, Philippe

Coloniæ Agrippinæ, 1660

Oratio ab Amico fideli dicenda pro animam agentibus.

[urn:nbn:de:hbz:466:1-54799](https://nbn-resolving.org/urn:nbn:de:hbz:466:1-54799)

& opprobriis vexari, sputis conspuī,
 spinis coronari, colaphis cædi, arun-
 dine percuti, facie velari, & vestibus
 exui, cruci clavis affigi, in cruce le-
 vari, inter Latrones deputari, felle
 & aceto potari, & lanceâ vulnerari:
 Tu Domine per has sanctissimas pœ-
 nas tuas, quas ego indignus recolo,
 & per sanctam Crucem & mortem
 tuam libera famulum tuum N. a pœ-
 nis inferni, & perducere digneris,
 quò perduxisti Latronem tecum
 crucifixum. Qui cum Patre & Spiri-
 tu Sancto vivis & regnas, in sæcula
 sæculorum. Amen.

*Oratio ab Amico fideli dicenda pro ani-
 mam agentibus.*

Christe Iesu crucifixe, in unione
 ferventissimi amoris, qui te vi-
 tam omnium viventium in Cruce
 mori coëgit, pulsamus ad medullam
 benignissimi cordis tui, & rogamus
 ut animæ famuli tui fratris nostri N.
 peccata omnia dimittas, & tua san-
 ctis.

ctissima conversatione, & tuæ sanctissimæ passionis merito amissa ejus suppleas, eumque superabundantissimam miserationum tuarum multitudinem facias experiri, nosque omnes, & singulariter hunc fratrem nostrum, ut quem proximè vocare disponis, placito tibi modo præpares, eique præstes, ut cum vera patientia, perfecta resignatione, plena peccatorum remissione, validissima fide, spe firma, & integra caritate in perfectissimo statu, inter dulcissimum amplexum, & suavissimum osculum tuum feliciter ad tuam eternam laudem expiret. Eja dulcissime Redemptor Domine IESU, per illas lacrymabiles voces quas in cruce moriturus edidisti, & passionis doloribus consumptus dixisti: Deus meus, Deus meus, ut qui dereliquisti? ne quæso longè facias à famulo tuo fratre nostro N. tuæ miserationis auxilium; nam ille in hac hora & momento extremæ afflictio-

O ;

ctio-

tionis, præ defectiōne animæ & consumptione spiritus te invocare non valet. Per triumphum sanctæ Crucis, & per mortis passionisque tuæ infinitum meritum, cogita Domine de eo cogitationes pacis & non afflictionis, sed misericordiæ & consolationis. Libera eum de omnibus angustiis: tuisque sanctissimis manibus, quas pro eo nobisque omnibus in cruce clavis affigi permisisti. Jesu bone & amantissime Pater, erue illum a tormentis ei debitis, & perduc illum in requiem æternam. Amen.

O R A T I O.

Plissime Jesu, qui in cruce existens pro tuis crucifixoribus Patrem rogasti, dicens Pater dimitte illis: deprecamur maestatem tuam, ut in hoc seruo tuo orationis tuæ effectum renovare digneris, ei que offensas suas omnes dimittas. Rogamus insuper, ut sicut Matri desolatissimæ.

rissimæ dilectum discipulum, dilectio verò discipulo Matrem desolatissimam commendasti, ita per merita utriusque, animam hujus famulitui adoptare, regni que cælestis hæredem adscribere digneris. Qui vivis & regnas Deus in sæcula sæculorum, Amen.

O R A T I O.

Suavissime Iesu, Dei & hominum mediator, qui pro salute nostra pœnas nobis debitas in tuo corpore passibili sustinuisti; & ut graviores pœnarum amaritudines gustares, unitæ tibi Divinitatis dulcedinem in hora Passionis à tua humanitate subtraxisti, unde & clamavisti: *Eloi Eloi lamma sabathani*. Oramus clementiam tuam ut hujus famuli tui animam protegendo, suavi tua consolatione lætifices, & gratiæ præsentis que tuæ dulcedinem infundas, quo extremam vitæ periodum in sanctæ charitatis tuæ brachiis finire mereatur.

tur.

Salvam fac animam famuli tui Domine Deus, & benedic illam de caelo sancto tuo. Expugna impugnantem illam, effunde frameam tuam adversus illos, dic animæ ejus, salus tua ego sum, ita fiat bone Iesu, salus esto animæ famuli tui, & protector ejus in omni tribulatione: vide afflictionem ejus, ne sileas, & ne discedas ab eo, exurge in adiutorium ejus, ne à te ullis dæmonum fraudibus separetur; sed te adjuvante victor ad cælestem gloriam pervenire mereatur. Ubi vivis & regnas Deus in sæcula sæculorum.

Domine Iesu fons misericordiarum ostende huic pauperulæ creaturæ misericordiam tuam: adjuva illam in hac extrema necessitate sua. Bone Iesu pone Passionem, Crucem & mortem tuam inter iudicium tuum & animam illius. Ecce ignorans quò se convertat ad te Deum suum convertitur, non illum abjicias. Nunc Domine secundum
voluntatem

Voluntatem tuam, fac cum ea misericordiam, & præcipe in pace recipi spiritum ejus : sonet in animæ ejus auribus vox illa tua dulcis : Hodie mecum eris in paradiso. Suscipe illam Jesu crucifixe inter amorosa brachia tua, quæ pro ea in cruce extensa sunt. Suscipe illam inter desiderabiles amplexus tuos, & trahe ad te animam ejus : suscipe illam bone Jesu in misericordia tua. Ita fiat bone Jesu, suscipe in pace spiritum ejus.

ORATIO.

O Misericordissime Domine Jesu, reparator humani generis : qui in die Passionis tuæ, in nervorum & ossium contractione, pœnam acerbissimam sensisti, & pretiosissimum caput tuum spinarum densitate punctum fuit, & latus tuum lanceâ perforatum extitit, unde fluxerunt Sanguis & aqua : Deprecamur majestatem tuam, quatenus animam
 P hujus

hujus famuli tui, virtutum luminoso splendore illustres: & tribuas illi, tuarum acerbitate spinarum merito, de offensis ab eo tibi illatis, vehementer dolere, & pœnam habere: ut omnia ejus dilecta, tuæ pretio sacratissimæ Passionis deleantur, & ad Angelorum societatem, te trahente pervenire valeat. Amen.

ORATIO.

O SUAVISSIME Domine Jesu, Dei & hominum mediator, qui inter cætera tormenta, quæ in cruce tulisti corporaliter sentire voluisti vehementer dum clamavisti, Sitio: Deprecamur majestatem tuam, quatenus animam hujus servi tui illo nunc igne digneris urere, quem in terras mittere venisti: quo cunctis vitiis desiccatis, illius anima, & caro, charitatis tuæ igne succensa, te solum sitiatur, te diligat, te quærat, reperiat, & fruatur: & ipsam ad æternam benedictionem sanctissimæ Pa-

Passionis tuæ merito jubilosè dig-
neris adducere, Amen.

O R A T I O.

O Sacratissime Domine Jesu, om-
ne bonum consummans : qui
cum acetum gustasti, Con-
summatum est : & inclinato capite,
spiritum emisisti : Obsecramus ma-
jestatem tuam pro anima famuli tui
in extremis existentis, quatenus gra-
tiæ tuæ dulcedinem, & splendidum
fidei lumen infundas illi : ut extre-
mam horam in sanctæ charitatis tuæ
brachiis finire, & tibi dicere valeat:
Ecce, clementissime Domine Jesu,
nunc ad te venio, tua suavi voce ju-
be suscipi spiritum meum in æter-
nam claritatem. Amen.

O R A T I O.

O Clementissime Domine Jesu,
solamen miserorum, qui pecca-
ta nostra in tuo corpore portasti:
P 2 verè

verè tu es Deus, qui dolores nostros
tulisti, & à perpetua morte nos li-
berasti: quia in sacratissimo corpore
tuo, à planta pedis usque ad verti-
cem non fuit in te sanitas, & qui eras
præ filiis hominum speciosus, quasi
leprosus reputatus fuisti. Depreca-
mur suavissimam charitatem tuam,
quatenus omnia hujus servi tui pec-
catorum vulnera sanes: ut omnibus
vitiis emundatus, ad te clementissi-
mum Patrem, & Dominum, spiri-
tualis solamine roboratus, lætante
pervenire valeat: & qui tuo pretio-
sissimo sanguine est redemptus, tuæ
Passionis insignia gestat, ad glorio-
sissimam visionem tuam, omnium
passionum tuarum merito, con-
comitantibus sanctis An-
gelis deducere dig-
neris. A-
men.

